

ИЛЫШ ДЕНЕ ТӨР КАЕНА

Канторьял книга пöрт эше кодшо курымын кумлымшо ийлаштыжак шочын. Ик курым коклаште тудо куд гана шке вержым да латкок вуйлатышым вапталген. 1982 ийыште библиотеке Канторьялыште кў гыч ыштыме у клубын ик изирак пöлемышкыже куснен. Тыште Н.Иванова, Р.Фёдорова, Л.Ипатова, А.Иванова (Григорьева), Р.Смирнова тыршенит.

Архив документлан ўшанаш гын, икымше надырым Олык Ипайын шольжо, Степанов Гурий Степанович, пыштен. Избач Степанов Гурий Кумьжъял волостьысо книга пöртыштö эше 1919 ийыштак пашам ыштен. Умбажыже күлешан сомылым З.Васильева, З.Андреева, В.Сергеева, Г.Русанова, А.Осипова шуеныт.

Канторьял книгагудышто мый 2007 ий годсекак ыштем. Илыш эре ончыко кая, сандене мемнан книгагудыштат шуко сай вапталгыш лийын: 2013 ийыште компьютер ден принтеран лийынна, 2014 ий

гыч электрон почтына уло, 2016 ийыште «Осиполинская сельская библиотека» группым ыштыме, 2020 ийыште лазерный принтеран лийынна.

2018 ийыште «Культура малой родины» партийный проектлан кöра Канторьял клуб зданийыште олмыктым пашам шуктеныт: чыла вере пластик окнам, күртньö омсам шынденыт, у кочегаркым чоңеныт. Бнде мемнан библиотекекыштат тelyм шокшо.

Мемнан лудшына-влак индеш ялла гыч улыт. Эн умбал илемже куд менте тораште верланен, нунын деке книга ден журналым мöнтгышкышт шке коштыктем. Тыгак мемнан обслуживатлыме кундемыш Изи Шүргысö шонгыен-влакын пöртышт пура, нунын декат книгагудыштан ик гана намнем, южышт шкеат толын каят.

Кажне книгагудо шке лудшыжлан да фондшылан кöра ила. Мемнан ўшанле йолташна шуко: Н.Николаева, Т.Степанова, Р.Тимофеева, М.Никифорова, А.Смирнова, В.

Михайлова, С.Михайлова, М.Михайлов, Калашниковмыт еш, Н.Деккин. У йолташнат улыт: Л.Иванова, Л.Левашова, Л.Смирнова, А.Павлова, К.Семёнова, С.Мифтахутдинова.

Тачысе да эрласе кечын ўшанжылан тунемше-влак ден изирак ийготан йоча-влакым шотлена. Ме нуным йöратена да кажне кечын толмыштым вучена. Изирак-влаклан пазлым, слог ден лудмо книгагудым наледем. Йоча-влак сүретлаш, «Поле чудес», «Табу», библиодартс дене модыт. Чаманаш логалеш, кугурак классыште тунемше-влак шагалрак лудаш тўгалыныт. Тидлан, конешне, амалжым чыланат раш паледа.

Мо куандара? Тений мыланна у книгагудыштык толаш тўгале: «Библиотечный Санта» группо гыч, библиотеке системе гычат. Икманаш, Канторьял книгагудо илыш дене тöр кая.

Марина ТИМОФЕЕВА,
Канторьял книгагудо
вуйлатыше